

松  
圓  
浪  
淘  
集

松圓浪淘集

空齋卷五 九 四十首

疊韻卽事呈同席

徐孺毅小舟衝席至

燕賞南橋應早年好看城雪未融天倒衣上客  
俱傾坐卷幔佳人竝入船爭倚畫橈衝伎席獨  
橫朱袖占歌筵紅裙彩筆都休問如此風流亦  
可憐

從殷司馬吳氏園看梅

分得霜字

朝聞出郭倒衣裳載酒尋梅向野堂竹色濛濛  
邀進艇林香冉冉逐飛觴嬌童笑語穿花底醉

客行吟遶樹傍看到江邊宜痛飲恐催頭白頓  
如霜

殷丈載酒婁江看桃花同唐婁二兄

分朝晴看

花余符  
晴字

婁江花開天乍晴千鍾美酒欲同傾便應襆被  
從公出但問公能幾日行

甕面春香照眼明縱然不飲也多情燕京酒美  
吳花艷只問天公乞少晴

柳絮花林天倒晴春風小市水縱橫高原四望  
人煙闊一片南來是雨聲

雨歇游絲未裊晴纖塵不動日華生狂遊更欲  
調鞍馬牽着桃花樹底行

小塘潮落大江平水渌芳新海氣晴遠岫天桃  
看不盡舟人誤道彩霞生

細草新花屐齒晴青絲穿絡白銀罌枝枝含笑  
留人醉逢着深蘂來去行

積雨家家燕子生紅桃綠沼自迴縈穿花傍水  
傾金盞報答春光半日晴

買田宅未成戲爲俚體

城南水竹稱幽情幾念還鄉買未成隴上縱堪

供伏臘山中誰與作去清明亦知終去婚和嫁  
且戀闌來弟勸兄好語山妻與村婢莫貪春睡  
餉春耕

送張伯美吳門學繪事三首

潭樹沉沉夜納涼竹閒歌颺桂花香千人石上  
多絲管却訝風流自一鄉

趙老清歌世莫傳對君合曲每相憐吳趨最有  
時新調琤重吹簫向酒筵

苦愛丹青真入骨醉中徃徃亦通微送君學取  
流傳派貌得吳淞江水歸

白蓮橋泊舟 同孫氏兄弟

門外谿流見遠山  
菱風蘿月蕩舟閒  
秋天一洗開妝鏡  
照出千林列髻鬟

雨後遊虎丘寺從半塘夜歸楓橋

山寺秋煙掃翠微  
松蘿過雨見涼歸  
半塘路轉歌聲小  
棹擘菱花一道稀

孫履正履和井上予同舟送之入郡艤舟

白蓮橋信宿臨別題贈長句

涼風一杯酒  
明月萬里心  
雙帆飛度吳苑樹  
澄江遠挂秋河陰  
君過三山向京闕  
揚子津樓秋

漲沒廣陵豪士邀醉君期我不來意超忽君不見  
見梁園歸弄黃河舠驚沙刮地哀鴻高又不見  
吳都走馬來觀試霜葉覆階鴉滿寺壯心簸蕩  
功名疎劍歌蕭條風雨至逐君兄弟歲月深寸  
心匪石千黃金脫衣貫酒君酌斟君胡不飲心  
沉吟沉吟欲言向余久舊時好事還能否黃羅  
峰頭搔首問青天逸句驚人落杯酒此中二  
梨花明綠莎錦湍飛羽觥千林皚皚雪照夜  
冰響屨空巖聲玉屏門西初罷射揮鞭半醉  
侵夜將軍開閣遮馬迎琉璃燭晃金盤炙別

耕商甘隱淪此日感歎傷精魂令弟胸懷萬人  
略結束弓矢千金門仲今落魄向侯郵食粟忘  
無那可論送君江邊天迢迢月明青天生夜潮  
我醉仍眠爲君侶起看日暮陽山雨朝來移艇  
遊村南碧梧蒼翠藏精藍龍鱗古木不見日菱  
花演漾開風潭卷帷散髮陰深樾此時賦詩思  
清發忽然二子就我來手指月出浮雲開谿橋  
石路皎霜雪顧影踏月心徘徊徘徊不眠欲至  
曙預愁明日還歸去白蓮橋西題贈君千載知  
余送君處

巳亥元日雨中春望

元日青郊未轉春，葱蘢寒望在清晨。  
開冰野色含風媚，破曉煙光入雨新。  
東道逼春還遲客，南橋薄暮幾留賓。  
江潭別路關心劇，不爲逢春亦愴神。

送李茂脩

正月新安道君行，我自知梅開江畔驛。  
鳥嚙瀨邊祠，雪水逢晴下雲沙。  
逐霧移未能從子去，書此見相思。

次韻答殷丈

初季取次接芳辰愁思經春一倍新  
歲酒難消綠客久新詩易好爲家貧  
賃春實愧居人敬泥飲真逢田父嗔  
虛擲流光堪笑殺平頭剛半古  
希人

空齋行

空齋愁雨壁四懸囊中十日無一錢  
北城貧生老好事出須憑舉盞  
且顛南隣兩脚差快健僂  
僕待試同拘牽張翁愛酒慣  
索飲經季海舶松門邊  
春前南橋和歌者半月歸  
耕東林田洞簫拍板置無用  
短簷雙屐閒可憐  
心憶風流故司

馬見雪期放尋花船今季春雪不到地梅開已  
盈東窗前貰酒苦遊恐不樂袖手欲歇心茫然  
獨夜展轉耿難寐嬌兒懶慢仍穩眠不見丘翁  
茅屋朝來破欲葺雨雪入戶寒無煙

徐孺穀宅雪中東閣看梅

同殷文分得池字

雪花梅蘂兩催詩況復高樓酒滿卮貧士經旬  
開口日美人深夜斂眉時何須燭滅襟仍解直  
可天明坐不辭莫笑清狂興難盡賞心良會易  
差池

和殷丈春歸歎

莫歎春歸花盡稀  
開時經眼便拚飛  
但逢開處殷勤看  
看處仍須爛醉歸

過孫履正東林莊居

同方民表丈

出郭春流十里賒  
故人田舍即吾家  
風情缸面清明酒  
節物山頭穀雨茶  
忽見遠交渾是夢  
難期世事摠如花  
尋常歡笑休輕別  
若計浮生信有涯

東林莊雨同方民表話舊

乍過清明柳尚稀  
枳花門巷雪成圍  
輕寒自覺朝醒薄  
細雨還同夜燭輝  
行色舊從江縣接  
客

心長向故山，違憑君樽酒。論臘好，白下吳中幾

未歸。

余同履和南過  
方丈真州醉中

因舍弟歸東山中親知

故人相望，聊天涯。久客傷心，憶歲華。城上雪聲  
遊子屐，縣南風色。酒人家。郵筒近，隔錢塘。路歸  
纜遙牽，歛浦沙。鄉國清明，正愁絕。憑將雙淚濕  
梨花。

再過東林

同前

東林經月，偶重來。秧水穿籬，徑路迴。節氣較看  
蒲葉長，季光已到。棟花開。城中屢喜邀嘉客，燈

下邳教整舊醅最愛田居情味好駢馳人事真  
相催

方民表自楚還訪予海上爲留旬月許康  
侯亦從武林來會與此中朋舊相見歡甚  
旣別追送入郡復同遊眺因述紀遊四十

韻

我嘗入山遊佳處領其要得句吟未吐有若負  
銜釣會心耳目外一步頭一掉海邊足平蕪客  
舍滿蓬藿山中平生親風有扁舟約適從武昌  
回千里赴一笑入寺幾同往看竹每竝造故人

住東林近局夜相招錢塘又來過風雨擊登孤

權聞茲多勝流忘季厠者耄餘波到詞翰久覩

銀鈎妙一見懷抱盡心親敬匪貌尋花值好事

鼓笛淹聒鬧宋濟之家牡丹人情競新知三益

況深樂自矢他季來負笈此共學人生豈預期

別酒固須酬方舟闔門前西去見塔廟冒雨涉

寺磴高樹酒驚瀑篝燈送酒榼小艇似熨單

來成三遊曉月換夕照林光虎丘崦茶香龍池

道支硎花山開十季始重到舊題已蕪沒陳迹

疑夢覺庚寅三月同張公路興盡載月迴枕藉

唐叔達孫履和遊此

墮巾帽剛朝不自意  
再得躡奔峭吾家七十翁  
袖軒氣勇心尚少  
相見命置酒但云趁天巧  
臨險蹟人扶筋力賈騰越  
天平未遊歷眼底出壺  
嶠樓閣萬石擁松櫟  
半山瀟天坼龍門罅  
巖發石屋竅攀緣上  
确犖却坐青雲叫風  
急山動搖日下影顛  
倒目眩枝撐石巧曆  
詎能料黝然萬玉亂  
填委劫火燒遂欲鑄  
絕壁今古永相弔還  
思共遠客來此息羣  
踪下山訪僧居便擬  
安杵竈吾盟慎勿寒  
毋俾來者誚歸路  
自得得作詩

示同調

過虎丘尋君實爾常夜歸憶前月同伯美  
於此送客

吳洲四月尚春衣日暮停舟轉翠微又喜清暉  
山頂見不妨疎雨樹頭飛黃鸝入寺渾相識白  
月當門恰送歸灌木陰陰萍沼綠重遊心念故  
人遠

瓜洲東郭訪王隱士同方平仲

安穩茅齋水郭東沙圍曲映綠楊中餘寒出浦  
三春酒片雨橫江五月風遠意幾因高士發清  
遊難得故人同斜陽醉眼憐歸路野翠煙嵐生

彩虹

王季八十餘隱居東郭不入城中

白下遊

主伯雨館

夙志在江海，居久籠樊長。夏懷所知遠，赴白下門揚帆。三山間驚浪，搖心魂朝發夕。已至把燭開芳樽，六載一相見。出我詩清溫，心賞子旣愜。風期我能敦，乘興恣汗漫。難爲嗤者論。

遊清涼臺

同康侯

薄雲翳朝日，涼風動絺衣。我友夙命駕，幽賞志無違。路首清涼門，陂沼相因依。桐花紛已落，秧苗時復齊。寺門隱松檜，積翠開煙霏。攀蘿出木

杪亭敞臨遠畿江流遶衣帶 宮闕曖微微灌  
木蔽岡壟覽古意重迷徘徊去却顧自歎登歷  
稀何當日夕至適我胸中機

瓦官寺觀石刻佛像

朝望清涼臺暮尋瓦官閣入門宛祗園果樹閒  
林薄晉唐諸名賢法侶此栖託荒基沒幽草誰  
使龍象拓金繩繞階砌寶翰照丹雘

慈聖皇帝  
后扁額

岌

岌鸞鳳姿光彩騫碧落久聞金粟影埋瘞山瓦  
礫虎頭今是非神交契冥漠

遊燕子磯弘濟寺

遠郊綠已縹長夏濤始漲飛亭出孤嶼古步臨  
絕嶂牙抱峽競束面勢屹相向江練淨可挹城  
霞燦難狀石落闌楯擁柳浸舟楫傍決背納衆  
流冥心置高浪薄暮車馬還一望都城壯綠楊  
自邇迤落日照塵埃仍當宿江館於此理歸榜

宿牛首

同伯雨康侯方叔楮叔

城南遍蘭若茲山何穹窿鞍馬上幾盤迫察勢  
猶雄岬曷日半傾光射東南峰闌干倚峻壁毫  
末紛玲瓏路迴見塔寺到門羅杉松積翠扶層  
階暝色帶遠江高殿夜突兀古木枝巖崿尚駭

仰睇賒未覺俯歷崇細路繞殿角欲上聞鳴鐘  
捫蘿踏深影林幽逕難通悄然心神悽却顧來  
驚風下歸白雲梯微月光瞳朧明當上絕頂冥  
搜恣所窮興劇耿無寐清宵殊未終

靈谷寺

同康侯方叔宿南菴

緩轡入靈谷鍾山澹舍煙五里出松徑日暮嘶  
亂蟬到門識舊松憩樹聞孤泉管遊三春末茲  
來已十季南菴禪房寂脩竹何娟娟茶瓜勸客  
坐解衣步蹠蹠殿廢視畫存樹古幽貞全頽廊  
立畫壁壞道振鳴絃管聞八功水一勺沉痾蠲

山深倒松栢根源久填咽歸房日已夕鍾殷山  
悠然平穿萬壑底高漱羣松巔心境於此會  
條入寥天夜起踏殘魄光景朝曦連

題畫柳扇別許康侯

五月金陵道行人畫柳條秋風來早晚腸斷白  
門橋

泊惠山下作

訪一雨師禪悅院

金陵歸不早瓜渚復經旬片石海門月亂帆揚  
子津秋逢結夏侶雨送渡江人更泊惠山下  
連懷隱淪

九月重過天平白雲寺題壁

九月山深風滿寺到門落日不逢僧窻閒亂石

無冬夏添却丹黃幾萬層

時送栢軒叔祖復尋春前舊遊

題張仲復西康草堂

我愛城西張仲居天寒鳥雀下階除彈琴響動  
遊山帖隱几風開種樹書留客添燈嘗蜜酒呼  
兒汲水煮河羹尋常自愛吾廬好若到君家愧  
不如

惠山歸舟雪中漫興

七月同殷時唐金蕭子夜集此同張靈石

泛月西定橋

一度扁舟一到山何如對雪獨躋攀曾追爽月  
涼風人不放歌朋酒伴還瞥眼季光催短髮掉  
頭寒色淨頰顏清遊莫憊歸長晚阻雨愁風亦  
等閒

松園浪淘集卷之五

終

松圓浪淘集

詠古卷六 九四十四首

東林寺雨中張次孫丈話舊

憶昨南徐官舍東江心遙夜與君同重看焦嶺  
終宵月却話松寥徹曉風病眼向梅空脉脉旅  
愁兼雪太忽忽可憐襪被尋君處暝雨寒煙野  
寺中

壽殷丈無美先生七十

正月二日

鄉里論先達風流復幾人操高知寡和道屈信  
無鄰潘岳居官拙房謙去位貧開樽逢北海脫

粟笑平津列宿員初應披雲契已親

公爲郎時從李舍人

見拙詩即棠敷賞許爲小友

品題蒙物色藻鑑徹人倫桂楫

多文酒華軒集道民花濃牽樞馬月落擲驚鱗

醉墨霑霜練

陪公看桃花醉中曾畫竹石

歌塲

逐暗塵家儲才賦石方丈且兼珍遲暮看珠蠅

追齒夢石麟鳳雛新更彩驥德老彌馴定是關

河嶽嘗聞役鬼神

公壬午北上渡江夢神人吏中管花所首自各管郭隨侍

公三年公西非顧未嘗不在默供給使至夷陵任滿別去曾屬書此事

丹鉛猶握

藥班髯未垂銀尚自攻魚蠹何須學鳥仲恭承

獻履日甫及挂車辰士女闕簪蓋賓朋隘里園

椒花稱百福柏葉頌千春  
禮厚才虛忝懷多意  
莫申覩顏諸彥後授簡獨逡巡

早春同茂脩過東林莊居

斜日輕舟遠背城野中一見一含情  
乍過門巷多相似遙識衣冠已出迎  
岼岼水生芳草綠家家梅向晚天清  
頻來自覓題詩處繞檻巡簷仔細行

新晴同茂脩履和出郭看梅走筆報殷丈  
江路春晴梅不遲憶當人日已盈枝  
那堪滯雨經旬後正欲隨風作雪時  
急喚兩人同出郭緩

巡一樹獨題詩  
吳園開晚如相待  
爲報多情司馬知

唐叔達兄五十

隱囊匡坐畫蕭蕭  
長對脩髯素領飄  
不計十千同往日  
只憐半百是今朝  
閒門聊接童蒙叩  
開閣曾應宰相招  
菘地葵園生事足  
看君黃髮傲漁樵

陪殷錢張諸丈出郊看梅花  
同子柔卽事  
曉熾龍潭煙霧晴  
城南春水放船清  
林光卷幔焚香過  
野色侵衣拾翠行  
舊識荒園橋外人  
新

看老樹竹間明微風斜日如相惜故散餘芬爲  
解醒

野性

野性悠悠長任真舊交落落幾情親且娛到處  
能留客未敢貧來懶向人夜雨簷花二月後涼  
風斗酒百篇詩相逢不論窮愁事但覺高歌倍  
有神

贈方成甫兄弟

兄名某行二弟名應行六

少季爲儒取章句酒人劍客恒相赴恨未論交  
幽朔場空愁騎馬江淮路君家兄弟皆好奇養

交僭客隨爾爲意氣橫加三韓外聲名如殺五  
陵兒海邊遠赴中丞傲斗酒新知恣歡適驚聞  
入水燈長鼓還誇窮走號鳴鑼座中詞事俱凌  
雲題詩帶新句紛紛變然明日使相別猶勝從  
前六載君

送李茂脩還山省姊

男兒遠圖幾季志未得引領尋孤向屬國秋風  
辭家今始歸顏狀慘淡氣抑塞憶君薦士尚書  
郎公知爾善射聞四方中丞獨耳識名字懷  
門長揖生輝光西秦猛士康靈夏

公生於李大夫

長弓大刀何善馬令與較射聚萬人齊聲其呼  
出君下來趨幕府何遠巡報國無階自致身里  
中輕薄休相笑陶母厨間正苦辛

殷丈邀張錢二丈唐婁二兄同遊石岡園

四首

好事貧司馬尋花不放空纔過桃李月已說菱  
荷風瓜果園公給鮓鮓野客同酒船何處泊又  
向石岡東

深柳橋分處迴船記管遊鷄鳴多隔巷條出盡  
隨舟谿雨捎歌扇簷風落茗甌從來行樂地野

竹自脩脩

廣圃環流匝疎籬一水通侵門嫌竹長隔沼見  
花紅林晦今朝雨荷欹昨夜風客來無酒掃網  
戶有青蟲

人影人天色池風生醉寒紅衣妝欲卸明鏡暈  
難安折蕊傳深勺簪花作小冠白頭渾劇舞一  
任野童看

聽曲贈趙五老五首

太倉人各淮字長源  
號曉雲善醫能詩

菊花閣裏殷勤唱

子世  
魚家

芍藥園中仔細聞

相公  
南嶽

此後但逢歌曲伴何曾聽罷不言君

好友相邀不用催  
沉聞君到我須陪  
茶香酒

渾閒事且趁朝涼聽一回

過子魚家

紛紛酒事少  
心情只辦停盃鬪耳明  
翻恨聽時  
心太切歸來慕得不多聲

逐調安排見典刑  
緣情巧妙是心靈  
寄言度曲  
紅顏子白却髭鬚始解聽

懶出閒眠愛道書  
苦吟狂叫漸消除  
清歌如此  
還拋得不及情人我不如

送子柔鄉試

漸老時逾急  
臨違意故長  
丈夫會有役  
妻子詎

能量顧我顏何厚看君腕正強好因科舉目  
識在文章

贈汝廉

吾友多才彥如君未可量草蔬同客飯餅餌奉  
親嘗寡鵠瘖終響冥負息欲翔由來歐冶地吳  
客有干將

雨中東徐爾常

同叔達欲過索飲

何處堪乘興思君池上樓高楊城外雨平楚檻  
前秋銀燭還當秉清絲或可謀急須呼酒盞相  
造只輕舟

同唐叔達雨中過徐氏園信宿海曙樓卽

事六首

苑外煙初合城西雨未開高樓邀夜醉小艇命  
空迴絃響帷閒動杯香燭下來不歸方坐穩自  
覺興悠哉

鐵作鳴絃撥銀將蠟炬籠歌喧阿閣外香噴  
房中玉指難教歇金杯易覺空不知秋雨夜來  
此坐花叢

不寐坐清曉空園興獨賒檻垂當幔柳窻裊隔  
池花移土催澆竹分泉喚洗茶吾廬高枕是何

必問東家

北渚通丹閣

丹暉閣宗伯公觀荷處

風牀坐雨時亂雲飛

欲絕圓影散還遲勝賞心偏愜幽懷客未知虛  
疑罨畫裏徙倚欲題詩

颯颯暗逾急蕭蕭聲未休渚煙窺鏡沒柳暝拂  
屏收枕簟還相命池臺已自留歡娛共公子  
作夜深遊

小輦仍相過青絲不待邀還將子夜曲一使客  
魂消宿醉衝歌醒新絃倚笑調樓前紅燭散宛  
轉照迴橋

戲劬長慶排律卽事與高文倩

蛾眉蟾月兩婢媚憶遇如花勝會仙近逐歌喚  
須闖席遙開笑靨待過船燈前墮馬妝仍好酒  
後驚鴻態更偏才調直欺文字飲風騷橫逞士  
夫筵閒假釧迹圓留面戲劇鞋痕曲印肩並背  
銀缸和影坐對攏香袖熨寒驅曾教狂客宵擗  
鼓愛着妖童夜輓絃笑語偷分鸚舌巧齒牙明  
關貝光鮮隨車每及霜垂地送棹何辭雨滿天  
累月朱門添酒讌連朝彩筆費詩篇邀來便覺  
歡無價憶却方知會有緣斷送半生心似鐵被

若賺作有情顛

月夜喜許康侯至

水國嚴霜夜孤舟訪我來  
昊天明月色千里爲君開  
玉露斜凝燭金波細委杯  
更闌重攜手到處踏歌回

殷丈家戲爲荔枝酒歌呈同席諸公

君不見杜陵諸侯老賓客  
左擘輕紅右拈碧至今浣  
花詩句中春酒荔枝色  
相射誰將巧意和溲便  
釀荔枝作春酒重碧輕  
紅兩有無萬星瑩然落  
吾手風流司馬霜鬢鬚  
玉盤珍羞十

鋪天輸尤物慰好事遙從庾嶺飛百壺

酒出東徐

縣太倉曹高州特致二尊

飲中余考最下戶一勺分潤詩腸

枯銀罌乍發香氣麤玉杯映色清若無非客浪傳酒如乳吳儂已墮涎成珠主人貪奇樂更殊

金屏笑出如花姝若將艷色比鮮荔羅襦雪膚

不用摹

坡翁詩海山仙人絳羅襦白紗中單玉雪膚

韶顏莫併化爲

酒玉山共倒誰當扶不見坡翁流離海南噉百

顆一官爲口誇良圖

又云我生涉世本爲口一官久已輕尊罍人間何者

非夢幻南來萬里真良圖又日噉荔枝三百顆不妨長作嶺南人

何如三絕眼

前是果爲醯醢人醜陋但恨古人不見爾君我

不樂何爲乎

莆田宋比玉從方求仲扇頭見此歌遂作詩見寄後七季始相識定

交

### 送子翼北上

我管追隨髮被肩君時長我纔數季君今上書  
垂廿載一莖旅鬢予先改愛君卓犖態度舒意  
氣自與常人疎日創百牛有餘技匣刀未試心  
躊躇我初少季輕萬事一朝金盡憂斗儲西江  
之水那可待生男欲壯教犁鋤城隅故人村更  
老心懷宿管同潦倒驩驩忍飢不寫鳴歲晚天  
寒戀空阜我曹向人長若瘖感君不言知我心

男兒有時狗知己臨岐且莫淚沾襟

是時叔達未有壯遊

意歲盡王問伯來邀借往遂治行

### 送王問伯

少小疎狂獵文史耻問銚壘向妻子願見今人  
似古人寸心饑渴長如此愛君胸懷天下奇轉  
石傾山海可移還將底裏向人盡白日澄潭兩  
不疑十季龍伏耽園圃揣摩世事心常苦物外  
時同負鳥遊卧中每宿漁樵侶朱門賓客日紛  
紛青眼看余獨不羣吾曹豈是悠悠者恍慨含  
愁遠送君

再過婁上看桃花卽事與伎

吳船銀燭艷青蛾  
桃滿婁江樂事多  
遲日纔開妝面鏡  
曉風先動舞衫羅  
歡心宛轉流鶯說  
酒態妖嬈細馬馱  
歸路春光牽宿醉  
穿花鬪草奈君何

風雨

王問伯欲余詞顧可馬殷文適邀同過江陰臨發風雨不寐

風雨鷄鳴百感繁  
披衣起坐到天明  
饑寒未你心腸慣  
浩樂天詩饑寒心慣不憂貧  
干謁先愁項領成  
漫論田園方樂志  
細思溝壑亦虛名  
來朝客路休看鏡  
白髮羞從一夜生

詠古五首

太白布衣士所思解世紛遠希魯仲連片言却  
秦軍功成不受賞笑謝平原君斯意日澹蕩浩  
若無心雲舊業一朝盡路有豺虎羣蕭條丈夫  
氣難與兒女論

隙平少落魄家產恒不知遊學好大度丘嫂來  
見噴終與風雲乖奇謀安所施英風不可見不  
如一傭兒悠悠遷虜儔齷齪徒爾爲

管生栖園中華子相偶鋤揮金獨不顧瓦礫曾  
不殊刀錐衆所競棄擲無乃迂匹夫遭濁世懷

壁恐見誅逍遙遼東行皂帽安所須達士善觀  
變抱意長區區

世資澹無營偃仰日長嘯晤歌在古人耳目亦  
清妙囂然輕王侯詎屑餅壘詣管爲雲中鶴今  
爲韝上鷄泥塗被珠玉清光爛餘照陶公爲飢  
馱千載爾同調

宋客詫燕石掩口爭胡盧卞和獻荆璧三泣淚  
爲枯十季抱微璞逝將適名都懼非連城珍十  
襲乃爲愚眈睩一以鑒玉石從此殊浩浩風波  
閒願望增煩紆

題張伯美畫留通州天寧寺

愛畫餘宿習貪盡泉石闕前月扁舟來江上同  
小憩步尋破山澗濡足衣屢搥手畫澗底松心  
摹竹閒寺幽竒入杪忽磅礴各滿意泉聲來耳  
邊過江尚搖曳竭來依僧居海近常雨氣空濛  
妙香聞虛白瞑鍾翳多君有勝情吮筆自遊戲  
墨潤石欲滴筆落泉可沸主僧愛入骨此幅願  
相乞宛然無聲詩更是水墨記如理本近禪吾  
語聊當偈

走筆答贈胡京孺

名拱極

丈夫身無羽翰長偪側江水滔滔阻相識白首  
逢君大道閒一笑寒灰吐顏色五山低昂波浪  
高扁舟掀舞同秋毫截江破浪赴知已侯門噉  
沓譏徒勞世人豪舉皆如此朱絃半絕心欲死  
顏厚難教伺貴人舌存未遣憂妻子城中泥淖  
十尺深多君款曲投知音寧須百錢一斗酒自  
有片語千黃金男兒感激會下淚莫緣失路沾  
衣襟

戲爲白體二絕

肆中酒醞須嘗去道上歌清也聽回誰信君家

鋪伎席今朝偏我不能來

任是頻催難強赴何如一謎莫相聞天教敗意  
君休訝我爲牽情却恨君

醉中走筆送茂脩赴留京督府幕

少季好文兼愛武一朝破產誰比數得君昂藏  
未可輕不用人看尚如虎器然材氣凌萬夫安  
能低頭事拜趨舊京公侯擁貔虎食舍歌負知  
有無書生袞袞登樞要時清只合容常調何由  
頓使一軍驚且須先與羣兒笑如吾萬事無可  
爲饑來也忍賢妻語

松園浪淘集卷六終

松圓浪淘集

谿堂卷七

九三十八頁

江行呈劉孫二子

夜宿湖中雨曉逢江上晴梅花一路發明月兩  
鄉盈雪嶂經春見風帆逆水行幽懷同二子款  
款悉歸情

走筆題伯雨兄藏寒林扇圖

丁酉寄

鈍墨如薑芽弱筆如毛毳信手不待工持贈本  
兒戲何煩篋笥藏完潔若新寄賞識非不精或  
是憐遠意知君有法眼鑒物抉幽翳謂此蒙茸

中境空無邊際點畫雖欹斜內含風雨氣更屬  
予細書揮洒向餘地何殊塵滿紙著以蠅自衛  
我初試展觀舊蹟疑隔世當時刹那心過了誰  
復記老懶身益窮貧賤恨不藝縱耽書畫癖難  
使饑渴濟宿習願痛掃在華自鋤難畫請斷人  
乞詩欲煩君替晏坐丈室間嘿持維摩偈

谿堂題畫四首

三月鶯啼送落花輕塵細雨浥平沙青樓少婦  
谿頭住腸斷東風玉鼻羈

新添白髮返柴荆橡實苓花不記名不是寫生

誇好手要憑殘墨畫清明

白髮新生半老時愛看經卷懶吟詩  
夜來辭後風情在畫得吳閭遊冶兒

月自當空水自流人閒何處是鄉州  
心知去住渾閒事也向風前一掉頭

過谿飲平仲館題畫

木葉作谿聲山光變晚晴  
低頭閒照影潭底白

雲行

原低頭看人影  
一作看影坐

谿堂小景

谿響到還散嵐光聚復空  
窻含過雲雨帆飽上

灘風

江漁

江天風雨

樹頂江飛雪山頭雨接天  
餅中有殘酒閒却賣  
與錢

題南山雨圖

君到南山雨未休  
紅妝癡坐隔谿樓  
憑將筆底  
千重思不及  
眉閒一段愁

谿堂

留客谿堂醉不回  
薄陰深碧送殘杯  
如何暮雨  
千山下不見  
行雲一片來

載伎重遊王潭馬砦巖

疎松歷落暎層臺  
綠字巖閒覆錦苔  
誰掃青天屏障出  
獨搖紅粉酒船來  
歌移灘下涼風入  
詩僭峰頭暮雨催  
此日川光容易夕  
相呼秉燭莫言回

泛舟席上題扇與伎

清江白路悵悠悠  
稠疊華筵戀遠遊  
夜集繁燈喧兩听  
朝橫雙管醉中流  
仙人舟楫青油幕  
豪客衣冠紫綺裘  
邀得紅妝消別恨  
曲終無奈翠眉愁

七夕後一日鳳山臺餞集

祖席憑高爽氣回  
千山落日送離杯  
葳蕤銀鑰雲中啓  
絡驛金壺水上來  
初月未教歸騎散  
晚風留待舞裙開  
相看疑是神仙侶  
笑指明河接鳳臺

惜別

閣外秋山錦不如  
將離何地不躊躇  
沙頭綠酒春聽鳥  
潭面紅妝曉看魚  
每待月生呼野艇  
幾緣路熟認吾廬  
傷心朋好分攜語  
別後沿谿跡漸疎

臨分畫灘月圖題別康侯

六見谿堂月清樽夜不空故人情未極臨別恨  
秋風爲君留月色相覓畫圖中

寒月獨歸題松寥壁

時湛公在西湖

寺外風江斷去津峰頭木脫月相親僧齋歸處  
窻如燭始覺寒風是主人

夜寒望瓜洲

寒鴉不共峭帆過望裏江城起白波今夜月明  
同佇立山中只較夜寒多

贈丘子成先生詩四章

澄懷觀大運羣生有傾培榮枯百季中得喪理  
亦賅時卉爭膏腴碩大江河隈貞松產磽确生  
意日摧隤倏然艷陽逝玄冥化陳荑始知造物  
心篤茲孤生材

雞鶩爭一爨依人自鳴息南方有靈鳥遠啄琅  
玕實豈不常苦饑匪茲固弗食翱翔九千仞所  
以稱其德

人生固多營所甚惟饑寒藜藿無晨炊緼袍冬  
不完顧彼輕肥子各言心所安苟焉兩易之冰  
炭滿心肝泌水何洋洋樂哉歌考槃

讀書志尚友管賢嗟逝矣親見揚子雲世人翻  
貴耳我有仰止心高山幸孔邇元公肩宇間名  
利心可洗黃生千頃陂祛人吝與鄙異時乃同  
風何必從黃綺

友人徐孺穀餉粟

先以子柔

季去貧來不自由暗傷顏面向交遊他鄉且闕  
孤身健此日徒懸四壁愁紙裹已空難愛惜餅  
儲欲罄未知謀何緣忽致監河粟莫是枯鱗尚  
有求

贈張翁茂仁二丈詩

達士志匡時經緯隨弛張小儒競枝葉雕繪攻  
詞章張翁磊落人所思濟時康上下數千季抵  
掌如傾囊治亂本代興史乘記多方搜羅到根  
源補苴見周防賈生著過秦荀卿法後王河汾  
述元經斟酌唯行藏惜哉時命違白首徒栖遑  
材大不謀身僅飽覈與糠伊余爲童兒見翁吾  
師旁李十四與唐叔遠同受經徐師門下開口據上坐大聲論興  
亾斯豈古人歎自分不得當何圖世季閒折節  
夷輩行扣門來相求令我神揚揚謂余可與言  
勗之以自強云堪託子孫懷此何能忘蕭蕭伯

通廡峨峨德公牀過從風雪晨斗酒激中腸相  
彼歲寒松摧頽閱冰霜孰知巖壑姿可以棟明  
堂

歲暮懷孫履和李茂脩

故人不見歲將窮臨別風煙在眼中嶽院夜眠  
春澗雨蒲樓寒醉雪山風谿南郵使明朝發江  
北來帆二月通廿載東橋歌酒伴他鄉殘臘夢  
應同

元日答子柔兄

是年五十

歲朝禪誦類僧居君正緇經手自書陶氏男兒

成底用龐家居士欲何如人言合作搏風鳥我  
意同爲少水負饑困願從隨順過不將陽酸碍  
空虛

來詩結句云自今歲月無  
虛擲且學飢殍困卽眠

### 上太倉相公

早辭黃閣卧丘樊疎懶偏承國士恩寒谷陽和  
吹玉律芳園明月倒金樽曾因顧曲留深坐數  
奉聽詩許細論自笑懷中長減刺到來還欲掃  
公門

### 從新安歸訪王辰玉內翰

宮袍持節乍還鄉千里遙承畫繡光君覲庭闈

顏正渥我淹舟楫鬢先蒼投詩敢望分鄰壁辨  
曲曾教坐後堂爲喜不才蒙記憶幾從杯酒問  
滄浪

送春同子柔作二首

吟君詩送春歸日我正顛狂欲濕衣燭滅清歌  
高閣罷酒醒疎雨小船歸慵拈雪鏡愁邊照判  
遣風花醉裏飛預恐老添情轉劇明季春到興  
先違

中酒閒眠日掩扉弄寒窻雨故霏霏

何遜詩霏霏入窻雨

漠漠暗  
牀塵

花憐經眼關情劇遊憶同心見面稀江

上一番仍節換天涯何處不春歸遙知弱女千

山裏乍改羅裳定濕衣

是季長女  
歸鮑氏

調別汪子

文士易相輕與君非世情家無陳孺產身慕魯  
連生古木干雲秀寒江見底清別離當落日烟  
烟片心剛

送方平仲歸兼寄康侯

弘濟寺

故人隔歲一相見執手道傍歡欲旋疎頑顏面  
我自憎君儕篤好何由羨平生交契盡材傑况  
看羽翮君最健途窮真欲仗友生我窮未甦君

尚賤猶自舒顏消我憂倒囊襪被諧深眷長干  
倡扉花映肉秦淮文窻月垂練酒酣曲怨簫聲  
哀明月未散青楓摧感君疋馬去復迴邀我夜  
泛琉璃堆君不見谿堂還家此爲客吳中友生  
君莫逆當時揮淚送我者咫尺彼此無消息用  
君青錢且沽酒未別要使情屢極志士饑寒何  
足論君歸爲道長相憶

同張伯美留弘濟寺印持僧房夜中送平  
仲渡江書壁二首

月落蒹葭明潮生楊柳曙遊子耿不眠歸人渡

江去

送客中夜興舟出葭葦岬歸房心躊躇櫓聲遙  
不亂

相逢長干行

山中故人黃玄龍不相見八  
九季矣癸卯九月值于弘濟

幸因識邾子荆之璧遂日久同遊處相  
得歡甚臨分子荆不勝戀戀聊貽此詩

鄉里聞名知幾季  
同來坐石寒江邊  
林昏月黑不相識  
天剛笑覓房櫳前  
故人先致青銅錢  
秦淮酒家頻醉眠  
短簫倚歌清且圓

張信美善  
吹簫度曲

枯

槎落紙醜更妍  
新知綽約如飛仙  
相逐布襪青行纏  
南朝古寺意所便  
苔荒樹老蘿叅天  
側觀

仰臥去復還寫真看遍秋毫顛爾時清霜楓葉  
鮮雨花木末窮攀綠琉璃碧殿青松閒遠近注  
射丹青懸更聞九日士女闌玉驄翠牝珊瑚鞭  
雜遝羅綺遺簪鈿獨穿松根漱石泉入夜鼉鼓  
猶顛顛寶塔煜煜開金蓮行歌互荅興邈綿一  
朝人事隨浮煙郝子負笈依枯禪黃生欲別停  
鞍羈經過酒壚重流連碧峰野寺山門偏寒風  
開門野鼠旋招尋不逢心拳拳回經荒臺更眇  
然唯見落日橫長川不記夜中石上不相識對  
面欲失誰爲憐何由一見日膠漆致使未別心

魂牽各酬綺語逐風景鉢心劇腎爭雕鑄中季  
莫使懷抱惡老去欲試心腸堅兩君胸交冰蘖  
若不釋臨分有贈聊相湔

戚都督再枉書招余白下歸賦此投謁

京國寒風敝客袍何緣物色訪蓬蒿遙傳禮數  
將軍重更枉徵求使者勞懶慢不堪供草檄從  
容倘許事鈴韜無家漸欲思田舍慙愧當季淮

海蒙

公書以元  
龍見稱

赴吳淞馬上作

霜華颯颯海雲適一點孤城傍馬頭趨走往時

巖武幕登臨吾主仲宣樓須知賢士能摧轂肯  
信書生解運籌少小縱橫餘劔術逢人羞說學  
封侯

別孫三

同宿錢士孫家嘶發別去時顧兒  
從之歸

相送不得意相看終嘿然平明上馬去薄暮就  
君眠南市行買藥東林曾種田同悲失路日於  
子見貞賢

松圓洵集卷之七終